

## **Акафист Святому Тихону Задонскому, святителю**

### **КОНДАК 1**

Избранный угóднице Христóв, Святителю óтче Тíхоне, возсиявый мíрови, яко светозáрное светíло, прославляюще прослáвльшаго тя Гóспода, дарова́вшаго нам в тебе но́ваго вели́каго моли́твенника и помо́щника, ско́раго неду́гов душе́вных же и телéсных целíтеля, похва́льное воспева́ем ти пéние: ты же. имéяй véлие дерзнове́ние к Влады́чице небесé и земли, от вся́ких нас бед свобóди зовúщих:

Ра́дуйся, Тíхоне, вели́кий и преслáвный Чудотво́рче.

### **ИКОС 1**

А́нгелов собесéднице и челове́ков наста́внице, ны́не, яко Бо́жий служи́тель, предсто́я с вы́шними ли́ки, Святителю Тíхоне, мо́лиши о всех нас Христá Бо́га на́шего и к ве́дению спасéния ны руковóдиши. Сего́ ра́ди благодарне во умилéнии вопи́ем ти:

Ра́дуйся, пречестно́е Святы́я Трóицы селéние;

Ра́дуйся, чистото́ю и святы́нею А́нгелом уподоблéние.

Ра́дуйся, светильни́че Божéственного свéта;

Ра́дуйся, всесвётлое благодáти приятели́ще.

Ра́дуйся, прísный пред Гóсподем наш застúпниче;

Ра́дуйся, тёплый пред Ним о нас моли́твенниче.

Ра́дуйся, ско́рый в нúждах и ско́рбех сúщим помо́щниче;

Ра́дуйся, до́брый душ на́ших наста́вниче.

Ра́дуйся, Цéркве правослáвныя утверждéние;

Ра́дуйся, всея́ земли Россíйския свётлое озарéние.

Ра́дуйся, Воро́нежския па́сты похвалó;

Ра́дуйся, обíтели Задóнския украшéние.

Ра́дуйся, Тíхоне, вели́кий и преслáвный Чудотво́рче.

### **КОНДАК 2**

Ви́дя в творéниях, áки в зерца́ле, премúдрость и сла́ву Творца́ вся́ческих Бо́га, к Немú дúхом вы́ну возноси́лся еси́, Богомúдре: свéтом же благоразúмия твоего́ и нас озари́, да вопи́ем кúпно с тобо́ю: Аллилу́иа.

### **ИКОС 2**

Разум твой Божéственными учéнными просветíл еси́, Богомúдре Тíхоне, отвéргнув вся́ко плотско́е мудровáние, с разумом же и во́лю повинúл еси́ Гóсподеви: тем же сосúд чист и селéние Дúху йстины яви́лся еси́. Сего́ ра́ди, яко богомúдраго наста́вника, ты ублажа́юще, воспева́ем сйце:

Рáдуйся, Бóжия премудрости созерцателю и проповедниче;  
Рáдуйся, яко от тлénнаго мíра духовное сокровище, услаждающее дýши  
вёрных, собрал еси́.  
Рáдуйся, истиннаго благослóвия златословесный учителю;  
Рáдуйся, яко уста Христовы, источающа словеса́ жизни вéчныя, был еси́.  
Рáдуйся, закона́ Бóжия от всея́ дýши твоёй взыска́вый;  
Рáдуйся, свидений и оправданий Господних возжа́дый.  
Рáдуйся, яко к небесí ведушими стезя́ми невозвратно шел еси́;  
Рáдуйся, яко на высоту́ добродетелей возше́л еси́.  
Рáдуйся, яко мýсленным о́ком к невечернему свéту — Христову вíну взирал  
еси́;  
Рáдуйся, яко видения пренебеснаго свéта сподобился еси́.  
Рáдуйся, Бóжия рáзума исполненный;  
Рáдуйся, благодатию Дýха Свята́го приосененный.  
Рáдуйся, Тíхоне, великий и пресла́вный Чудотворче.

### **КОНДАК 3**

Сíла В́шняго чудесно спáсе тя от напрáсных смёрти и я́ве показá тя сы́на  
Цáрствия Христова́ сýща, Святителю́ о́тче Тíхоне, егда́, во всю ночь  
пребыва́юще ти в благомы́слии, внезапно́ небеса́ отверзо́шася и я́вился свет  
неизреченный. И тако́ премíрныя рáдости исполнився, возопíл еси́ Бо́гу:  
Аллилу́иа.

### **ИКОС 3**

Име́я ве́ру несумне́нну и по́мысл чист, вся красна́я мíра сегó презре́л еси́,  
Тíхоне блаже́нне, и в о́бразе А́нгельстем нелéнотно послужíл еси́ Го́споду  
Бо́гу: тем же, áки звезда́ путеводная, светиши всем, хотя́щим жи́ти в  
преподóбии и вопи́ющим тебе́:

Рáдуйся, житию́ безплóтных поревновáвый;  
Рáдуйся, подвигом д́вних святых́ о́тец подража́вый.  
Рáдуйся, яко́ приím крест, Христу́ последовал еси́;  
Рáдуйся, яко́ о́браз страсте́й Егó в се́рдце твоём преднаписа́л еси́.  
Рáдуйся, яко́ вся ко́зни диáвола сíлою креста́ Господня́ разруши́л еси́;  
Рáдуйся, яко́ похотéния грехóвная моли́твою и терпéнием победи́л еси́.  
Рáдуйся, яко́ угожда́л еси́ Го́споду всяким благоугожде́нием;  
Рáдуйся, преукраше́нная хра́мино добродетелей.  
Рáдуйся, красото́ смиренномудрия́ и воздержания́;

Ра́дуйся, образу крото́сти и послуша́ния.

Ра́дуйся, по́стников веселие и ино́ков похвало́;

Ра́дуйся, бо́лий в ли́ке преподо́бных.

Ра́дуйся, Тихоне, вели́кий и пресла́вный Чудотво́рче.

#### **КОНДАК 4**

Бу́рю внутрь имéя помышлéний, недоумевáше раб Бо́жий, что речёт о нем Го́сподь, егда́ лю́дие проразумевáху егó досто́йна быти святíteльства: о́баче всего́ себе́ Христу́ Бо́гу предаде́. Тому́ о всех благодарéние возсыла́я, зовы́й: Аллилу́иа.

#### **ИКОС 4**

Слы́шавше лю́дие о благопло́дных добро́тах ду́ши твоея́, Богоно́сне Тихоне, желáнием вожделéша тя ви́дети на стéпени святíteльства. Егда́ же собо́р Архиере́ев недоумевáше вда́ти тебе́ жезл па́стырства, занé юн был еси́, а́бие трикра́ты свы́ше свидéтельствован еси́, я́ко досто́йный сосу́д Божéственныя благода́ти, вся немощна́я врачую́щая и оскудева́ющая восполня́ющий. Тем же, дивя́щися чу́дному промы́слению Бо́га о тебе́, прино́сим ти сицевáя благохвалéния:

Ра́дуйся, Архиере́ю, от Самогó Го́спода прона́реченный;

Ра́дуйся, му́жу желáний, па́сти ста́до Христо́во свы́ше избранны́й.

Ра́дуйся, Па́стырначальника́ Иису́са благоволе́ние;

Ра́дуйся, Иера́рхов украше́ние.

Ра́дуйся, я́ко от у́тра жи́зни твоея́ на стражбу́ словéснаго ста́да избран́ был еси́;

Ра́дуйся, я́ко и до вéчера жити́я твоегó су́щия в véре нелéнно назидáл еси́.

Ра́дуйся, па́стырю до́брый, я́ко гото́в был еси́ ду́шу твою́ положи́ти за о́вцы своя́;

Ра́дуйся, многосвётлы́й Це́ркве светильни́че.

Ра́дуйся, Апóстолов соприча́стниче;

Ра́дуйся, вели́ких святíteлей сопрестольни́че.

Ра́дуйся, я́ко первопрестольнику́ па́стывы твоея́, Митрофа́ну освящённому, равночэ́стен показáлся еси́;

Ра́дуйся, я́ко преёмником твоим вёрный ко спасéнию путево́дитель соделáлся еси́.

Ра́дуйся, Тихоне, вели́кий и пресла́вный Чудотво́рче.

#### **КОНДАК 5**

Боготѣчная звезда явилъ еси всем христіаномъ, Святителю отче Тихоне: деяни бо и учѣни твоими не точию во дни живота твоего добре назидал еси паству твою, но и по честномъ успѣнии твоѣмъ всемъ вѣрнымъ показуеши правы стези Царствия Христова, и научаеши присно взывати к Богу: Аллилуиа.

## **ИКОС 5**

Видя себе поставлена на стѣпени архиерейства, Святителю отче наш Тихоне, не дал еси сна очамъ твоимъ, ниже вѣждомъ дреманія, поставляя пастве твоѣй пастыри смѣсленны и вся люди управляя ко спасенію. Мы же, ведуще тя быти пастыреначальника богомудренна и строителя дому Божія добра, взываемъ к тебѣ:

Радуйся, крѣпкое кормило Христова Цѣркве;

Радуйся, нивы Господни удобрѣние.

Радуйся, вѣрныхъ надежное утверждѣние;

Радуйся, невѣрныхъ богомудренное обличѣние.

Радуйся, Христова вертограда дѣлателью неусыпный;

Радуйся, душетлѣнному звѣрю стадо твое расхищати не попустивый.

Радуйся, храмовъ благолѣпія рачителю;

Радуйся, вѣрный тайнъ святыхъ строителю.

Радуйся, яко стражей дому Божія на стражу недрѣмленну уготовал еси;

Радуйся, яко пастыремъ проповѣдати благовременне и безвременне заповѣдал еси.

Радуйся, благій и вѣрный рабе Божій;

Радуйся, яко вшел еси въ радость Господа твоего.

Радуйся, Тихоне, великій и преславный Чудотворче.

## **КОНДАК 6**

Проповѣдникъ во истину благочестія явилъ еси, Святителю отче наш Тихоне, егда увидевъ безстыдное празднество во градѣ твоѣмъ, яко добръ воинъ Христовъ, притеклъ еси на игрище бесовское и словомъ вразумилъ еси заблуждшія, научая всехъ взывати Единому Истинному Богу: Аллилуиа.

## **ИКОС 6**

Воссиялъ еси, яко звезда лучезарная, Воронежской пастве, блистаніемъ учений твоихъ озаряя души вѣрныхъ и разгоняя тму нечестія и суевѣрія. И ныне сладостию писаний твоихъ насыщаеши вся алчущія и жаждущія правды, иже благодарне и взываютъ к тебѣ:

Радуйся, наставниче всехъ къ небеси направляя;

Радуйся, проповѣдниче покаянія, заблуждшихъ къ исправленію воззывая.

Ра́дуйся, сла́вы Бо́жия и́стинный ревни́телю;  
Ра́дуйся, стра́ннаго суеве́рия потреби́телю.  
Ра́дуйся, я́ко душетле́нныя обы́чаи обличи́л еси́;  
Ра́дуйся, я́ко безсту́дное и́грище упраздни́л еси́.  
Ра́дуйся, и́мже сатана́ посрами́ся;  
Ра́дуйся, и́мже Христо́с просла́вися.  
Ра́дуйся, я́ко и по сме́рти тво́ей ду́ши ве́рных назидаети в благоче́стии  
сла́достью писа́ний твои́х;  
Ра́дуйся, я́ко в них сокрови́ще, драгоценнейшее зла́та и серебра́, нам оста́вил  
еси́.  
Ра́дуйся, златоу́сте Росси́йския Це́ркве;  
Ра́дуйся, па́сты тво́ей прісно́е ра́дование.  
Ра́дуйся, Тіхоне, вели́кий и пресла́вный Чудотво́рче.

### **КОНДАК 7**

Хотя́й невозбра́нно возноси́тися ду́хом в го́рняя селения́, благоти́шие  
пусты́ни возлюбил еси́, Богоно́се о́тче Тіхоне, и та́мо всели́вся, сподо́бился  
еси́ видети Го́спода, от ико́ны, а́ки от Голго́фы, к тебе́ гряду́ща, вопия́ к  
Нему́: Аллилу́иа.

### **ИКОС 7**

Но́вым по́двигом духо́вным вдал еси́ себе́, Богоно́се о́тче Тіхоне, егда́  
всесовершенство́наго Ду́ха благодать призва́ тя служи́ти Го́сподеву в  
безмо́лвии: имый бо по́мысл превы́ше ми́ра, возлюбил еси́ смире́ние  
глубо́кое и моли́твы непреста́нныя. Сего́ ра́ди и кре́пость духо́вную подаде́  
тебе́ Подвигополо́жник Христо́с и сподо́би тя видений благода́тных, да и мы,  
веду́ще тако́вая, ублажа́ем тя:

Ра́дуйся, любите́лю безмо́лвия, ду́хом твои́м в вы́шних обита́вый;  
Ра́дуйся, самоотверже́ние всеце́лое показавый.  
Ра́дуйся, во бде́ниях и моли́твах неосла́бно пребыва́л еси́;  
Ра́дуйся, безстра́стие умерщвлени́ем страсте́й твои́х стяжа́л еси́.  
Ра́дуйся, Го́спода распя́таго на кресте́ ви́ну пред собо́ю предзрэ́вый;  
Ра́дуйся, и теле́сныма очима́ видети Христа́ Иису́са сподо́бивыйся.  
Ра́дуйся, я́ко пречи́стым стопа́м Его́ поклонил еси́;  
Ра́дуйся, я́ко спаси́тельныя я́звы Его́ облобыза́л еси́.  
Ра́дуйся, испо́лнь весе́лия, егда́ яви́ся тебе́ Богома́терь купно со Апосто́лы;  
Ра́дуйся, я́ко в славосло́вии ликовствова́л еси́ со А́нгелы.

Ра́дуйся, тайнниче Бóжий, ещѣ на землі вкусі́вый небѣсных благ;

Ра́дуйся, А́нгеле земный и челове́че небѣсный.

Ра́дуйся, Тіхоне, вели́кий и пресла́вный Чудотво́рче.

### **КОНДАК 8**

Стра́нно и вели́ко незло́бие показа́, Преблаже́нный, егда́ еди́н бу́ий и злонра́вный удари́ егó в ланіту; он же, А́гнцу Христу́ поревновáв, до землі поклоні́ся би́ющему, моля́ Бóга о прощѣнии е́му. Тем же дивя́щеся незло́бию егó, поѣм Бóгу: Аллилѹиа.

### **ИКОС 8**

Весь испóлнь любвѣ Христовы, Тіхоне благосѣ́рде, ду́шу твою́ полага́л еси́ за дру́ги твоя́, и áки А́нгел Храні́тель присѹщ был еси́ бли́жним же и да́льным, озло́бленныя укрощáя, враждѹющия примиря́я, и спасѣ́ние всем устро́яя. Сего́ ра́ди чтем святу́ю па́мять твою́ и усѣ́рдно вопи́ем ти:

Ра́дуйся, проповѣ́дниче любвѣ, ё́уже Бог прими́ри Себе́ челове́ки;

Ра́дуйся, О́тче благосѣ́рдый, взыска́вый спасѣ́ния мно́гих.

Ра́дуйся, смире́ния и незло́бия учі́телю;

Ра́дуйся, терпе́ния и миролю́бия наста́вниче.

Ра́дуйся, я́ко за пра́вду претерпе́л еси́ зауше́ние;

Ра́дуйся, я́ко за враги́ твоя́ умоля́л еси́ Го́спода.

Ра́дуйся, егóже любóвь победи́ всяку враждѹ́;

Ра́дуйся, егóже незло́бие покори́ бу́яя сердца́.

Ра́дуйся, миротво́рче благослове́нный;

Ра́дуйся, мзду миротво́рцев насле́дивый.

Ра́дуйся, научі́вый за́поведем Христовым и сотвори́вый я́;

Ра́дуйся, вели́кий в Ца́рствии Небѣ́снем.

Ра́дуйся, Тіхоне, вели́кий и пресла́вный Чудотво́рче.

### **КОНДАК 9**

Всем был еси́ вся, я́коже и святы́й Па́вел, да вся́ко не́кия спасѣ́ши, Богому́дре: сразсужда́я бо немощно́му естество́у челове́ческому, не укори́л еси́ брата́ твоегó, неподоба́ющия посту́ снѣди яду́ща, но áбие сѣдши кѹ́пно с дру́гом егó, от трапѣ́зы тоя́ ма́ло вкуси́л еси́. Помина́юще ўбо тако́вое благоснисхожде́ние твоѣ́, вопи́ем к просла́вльшемуся в тебѣ́ человеколю́бцу Бóгу: Аллилѹиа.

### **ИКОС 9**

Ветии́ многовещáнныя не возмо́гут по досто́янию изрещи́ твои́х благоде́яний мно́жество, Святы́телю о́тче Тіхоне: щедро́дательная бо десни́ца тво́я всѹ́ду

досязаше. Мы же, благосердию твоему подражати хотяще, во удивлении  
взываем к тебе:

Радуйся, лучу любви Божия;

Радуйся, сокровище милосердия Спасова неистощимое.

Радуйся, ближния твоя паче себе возлюбивый;

Радуйся, в меньших братиях твоих самого Христа видевый.

Радуйся, яко нищия поминая, хлеб твой слезами орошал еси;

Радуйся, яко питие твое плачем о них растворял еси.

Радуйся, яко имения твоя неимущим расточал еси;

Радуйся, яко щедродательная десница твоя николиже оскуде.

Радуйся, яко больныя и в темнице заключенныя посещал еси;

Радуйся, яко нужды бедных предварял еси.

Радуйся, словом и примером затворенныя на благостыню сердца отверзавый;

Радуйся, милостивых блаженство от Господа стяжавый.

Радуйся, Тихоне, великий и преславный Чудотворче.

## **КОНДАК 10**

Спастися всем хотяй преблагий Господь яви тя, Святителю отче наш Тихоне,  
образ жития праведнаго: кто бо не умилится, видя твое безмерное ко всем  
благосердие. Тем же велию к нам милость Божию славяще, вопием:  
Аллилуиа.

## **ИКОС 10**

Стена был еси помощи и заступления всем безпомощным и нападствуемым,  
Святителю Тихоне, и милосердия неистощимое сокровище. Сего ради  
славяще Бога, дивнаго во Святых Своих, и ты ублажаем:

Радуйся, безкровных пристанище;

Радуйся, всех безпомощных скорый помощниче.

Радуйся, сырых питателю и призрение;

Радуйся, скудных земледельцев снабдение.

Радуйся, скорбящим прибежище;

Радуйся, печальным утешение.

Радуйся, обидимым заступление;

Радуйся, обидящих вразумление.

Радуйся, угнетенным защитниче;

Радуйся, сильным мира сего небоязненный Судя Божия провозвестниче.

Ра́дуйся, я́ко за пра́вду претерпе́л еси́ ско́рби;  
Ра́дуйся, я́ко стяжа́л еси́ блаже́нство гони́мых ра́ди пра́вды.  
Ра́дуйся, Тихоне, вели́кий и пресла́вный Чудотво́рче.

### **КОНДАК 11**

Пе́ние у гроба́ твоего́ уго́днице Бо́жий, Святите́лю о́тче Тихоне, не умолче́ от дне блаже́ннаго успе́ния до дне све́тлаго прославлéния твоего́: мно́зи бо ве́даху тя Богоно́сна и равноа́нгельна су́ща. Ны́не же вся Росси́йская земл́я благода́рно вопиéт просла́вльшему тя Бо́гу: Аллилу́иа.

### **ИКОС 11**

Свети́ло быв, вся концы́ земл́и Росси́йския озари́л еси́, Святите́лю приснопа́мятне. Егда́ же приспе́ вре́мя отше́ствия твоего́, Божéственнии А́нгели прия́ша святую́ ду́шу твою́ и в небéсныя обите́ли вознесо́ша; те́ло же твоё́ честно́е Трóица вседéтельная соде́ла нетлénно и исто́чник чуде́с показа́ на утвержде́ние правосла́вныя ве́ры, на обличе́ние же неве́рия и суевéрия. Тем же, помина́юще блаже́нное успе́ние и ве́лие твоё́ на небеси́ и на земл́и прославлéние, с ра́достью прино́сим ти благохвалéния сия́:

Ра́дуйся, вели́кий уго́днице Бо́жий, течéние благочéстне сконча́вый;  
Ра́дуйся, ве́ру, наде́жду и любя́ до конца́ сохрани́вый.  
Ра́дуйся, по трудéх стра́нствия земна́го сла́дце в селéниях небéсных почи́вый;  
Ра́дуйся, я́ко смерть прия́вый, тлéния же не позна́вый.  
Ра́дуйся, со Хри́стом, Его́же возлюбил еси́, на ве́ки соедини́выйся;  
Ра́дуйся, Ца́рствия Небе́снаго и сла́вы вéчныя наслéднице.  
Ра́дуйся, я́ко нетлéнием мощéй твои́х спаси́тельную си́лу воскресéния Хри́стова явля́еши;  
Ра́дуйся, я́ко о́ным зарю́ общаго воскресéния нам показу́еши.  
Ра́дуйся, исти́ны правосла́вия несомне́нное уверéние;  
Ра́дуйся, в Це́ркви прису́щия благода́ти нелóжное извещéние.  
Ра́дуйся, земна́го отéчества твоего́ но́вое свети́ло и утвержде́ние;  
Ра́дуйся, ца́рства правосла́внаго покрóве и защи́щение.  
Ра́дуйся, Тихоне, вели́кий и пресла́вный Чудотво́рче.

### **КОНДАК 12**

Благода́ть чуде́с многообра́зных, всели́вся в небеси́, прия́л еси́ от Го́спода, преблаже́нне Тихоне. Сего́ ра́ди пода́еши исцелéния всем, притека́ющим к тебе́ с ве́рою. Мы же, дивя́щися в тебе́ всемо́гуществу и бла́гости Бо́га, вопи́ем Ему́: Аллилу́иа.

### **ИКОС 12**

Поюще дівное прославлєніє святаго телесє твоего, вїдим тя, Богоблаженне Святїтелю Тїхоне, прїсно зде источающа потоки чудєс, и в удивлєнии восхваляюще тя, зовєм:

Радуйся, живоносный источник, благодать исцелений изливающий нам от всечестных раки твоея;

Радуйся, всех одержимых недуги непостыдное прибежище.

Радуйся, слепых прозрение;

Радуйся, немых ясное глаголаніе.

Радуйся, яко от одра разслабленные воздвизаеши;

Радуйся, яко стужаемыя от бесов свобождаеши.

Радуйся, сухорукия и сляченные к деланию исправляяй;

Радуйся, хромым и ничашим хождение подаваяй.

Радуйся, телес наших благосотрадательный врачу и хранение;

Радуйся, и душ наших к Царствию Небесному возведение.

Радуйся, емуже сорадуются Ангели и о немже веселятся человецы;

Радуйся, имже Бог дивен во Святых Своих является.

Радуйся, Тїхоне, великий и преславный Чудотворче.

### **КОНДАК 13**

О, великий и преславный Чудотворче, Святителю Христов отче Тїхоне, прими сие похвальное пєніе от нас недостойных во умилєнии тебе приносимое, и твоим теплым предстательством у престола Божия испроси нам утверждение в вере и добрых делех, избавление от всех бед и напастей в жизни сей, в смертном же успєнии нашем благоу надежду спасения, да сподобимся в радости вечней воспевати дивному во Святых Богу: Аллилуїа.

*(Этот кондак читается трижды, затєм икос 1 и кондак 1)*

---

### **МОЛИТВА СВЯТОМУ ТИХОНУ ЗАДОНСКОМУ, СВЯТИТЕЛЮ**

О, великий Угодниче Божий и преславный Чудотворче, Святителю отче наш Тїхоне! Со умилєнием преклонше колєна и припадая к раце честных и многоцелєбных мощей твоих, хвалим, славим и величаем прославльшаго тя Бога, и нам недостойным показавшаго в тебе велию милость, и всеусердно, верою и любовью чтущии святую память твою, молим тя: принеси молитву нашу к вся содержащему и спасающему человеколюбцу Господу, Емуже ты ныне с лики Ангел и со всеми Святими предстоиши, да утвердит во святєй Своей православной Цєркви живый дух правыя веры и благочєстия, да вси члєны ея, чїстии от суемудрия и суевєрия, духом и истиною поклоняются Ему и усердно пекутся о соблюдєнии Его заповедей, пастьрем ея да даст

святую ревность попечения о спасении вверенных им людей — право верующия соблюдать, слабый и немощный в вере укрепляти, неведущия наставляти, противных обличати. И паки припадающе, с упованием, якоже чада отца нам суща, молим тя, Святителю Тихоне, веруем бо, яко ты, на небесех живый, любиши ны тою же любовью, еюже вся ближняя твоя возлюбил еси, внегда пребывать тебе на земли, испроси у всемилостиваго Господа и всем нам подати дар коемуждо благопотребен и вся, яже к животу временному и вечному полезная, мира умирение, градов наших утверждение, земли плодоносие, от глада и пагубы избавление, от нашествия иноплеменных сохранение, скорбящим утешение, недугующим исцеление, падшим восстановление, заблуждающим на путь истины возвращение, подвижающимся в делах благих укрепление, благоделающим преспеяние, родителем благословение, чадом в страхе Господнем воспитание и научение, наставником ведение и благочестие, неведущим вразумление, сирым, неимущим и убогим помощь и заступление, отходящим от сего временнаго жития к вечному благуе уготовление и напутствование, отшедшим блаженное упоение. Сих всех, наипаче, проси нам, Святче Тихоне, у Щедродавца Бога, яко имый велие к Нему дерзновение: тебе бо стяжанием приснаго заступника и теплаго молитвенника о нас пред Господем, Емуже подобает всякая слава, честь и поклонение. Отцу и Сыну и Святому Духу, ныне и присно и во веки веков. Аминь.

---

### **МОЛИТВА СЯТОМУ ТИХОНУ ЗАДОНСКОМУ, СЯТИТЕЛЮ 2-Я**

О, всехвальный Святителю и Угодниче Христов, отче наш Тихоне! Ангельски пожив на земли, ты яко Ангел благий явился еси и в дивнем твоём прославлении. Веруем от всея души и помышления, яко ты, благосердый наш помощник и молитвенник, твоими неложными ходатайствами и благодатью, обильно дарованною тебе от Господа, присно способствуеши нашему спасению. Приими убо, убожаемый Угодниче Христов, и в час сей наша недостойная моления: свободи ны твоим заступлением от облегающаго нас суесловия и суемудрия, неправоверия и зловерия человеческого. Потщися, скорый о нас предстателю, благоприятным твоим ходатайством умолити Господа, да прибавит Своя великия и богатыя милости на нас грешных и недостойных рабех Своих, да уврачует Своєю благодатью неисцельныя язвы и струпы растленных душ и телес наших, да растворит окаменелая сердца наша слезами умиления и сокрушения о премногих согрешениях наших и да избавит ны вечных мук и огня геенскаго; всем же верным людем Своим да дарует в нынешнем веце мир и тишину, здравие и спасение и во всем благое попешение, да тако, тихое и безмолвное житие поживше во всяком благочестии и чистоте, сподобимся со Ангелы и со всеми Святими славити и воспевати всесвятое имя Отца и Сына и Святаго Духа. Аминь.

---

### **МОЛИТВА СВЯТОМУ ТИХОНУ ЗАДОНСКОМУ, СВЯТИТЕЛЮ 3-Я**

О, святителю, отче наш Тихоне! Услыши нас и потщися благоприятным твоим ходатайством умоли Господа, да пробавит Своя великия и богатыя милости на нас, грешных и недостойных рабех Своих (*именá*), да уврачует Своею благодатию неисцельныя язвы и струпы растленных душ и телес наших, да растворит окаменелая сердца наша слезами умиления и сокрушения о премногих согрешениях наших и да избавит ны от вечных мук и огня геенскаго, да дарует в нынешнем веке мир и тишину, здравие и спасение, да тако сподобимся, со Ангелы и со всеми святыми, славити и воспевати всесвятое имя Отца и Сына и Святаго Духа, во веки веков.

---

### **МОЛИТВА СВЯТОМУ ТИХОНУ ЗАДОНСКОМУ, СВЯТИТЕЛЮ 4-Я**

О, великий угодниче Божий и преславный чудотворче святителю отче наш Тихоне! Со умилением припадающе к иконе твоей, молим тя: принеси молитву нашу к человеколюбцу Господу, да дарует же с долгоденствием душевное же и телесное здравие рабам Божиим (*именá*) и прихожанам святаго храма сего, да пробавит Своя великия и богатыя милости на нас, грешных и недостойных рабех Своих, да растворит окаменелыя сердца наша слезами умиления и сокрушения о премногих согрешениях наших и да избавит ны от вечных мук и огня геенскаго, да поем и славим неизреченныя щедроты Человеколюбца Бога, Отца и Сына и Святаго Духа, и твое отеческое заступление, во веки веков. Аминь.